

BONERIANO

Felisidat ta gratitut pa presente, goso di pasado i fe den futuro.

EDITOR:
Bonaire Communication Services N.V.

Djaluna 26 yüni 2023

Preis: \$1.25

MAL ENERGIA KOLOGÁ DEN AIRE

Selebrashon San Juan



Bulamentu di kandela segun e tradishon di San Juan. Bonerianonan un bia mas a demonstrá di ta biba su kultura.

NEW TILES!! VISIT OUR SHOWROOM

GARTISH #1

TEGELWERK BONAIRE N.V. on the island!

Kaya Bongo 8b | Tel/Fax: 717-8707

[gartishtegelwerk](#) | Like our page to stay updated!

HAIR BARBERSHOP

Hanchi lenks pabou di Gas Ekspress

Habri 5 dia!
Tel: +599 788-2228 / +5999 529-2228

[hair cut](#)

[www.hairbarbershop.com](#)

CHANGAN AUTO

HUNTER

[/dabboussimotors](#)

xerox™

OBERSI ELECTRONICS BONAIRE

MANTENE BO VEHIKULO OF EKIPO DEN KONDISHON KU PIESANAN KUMPRA NA NAPA

\$10 FREE SLOT PLAY

Sign up for your FREE Player's Card and receive \$10 in FREE Slot Play!

Open Monday - Saturday 8pm to 4am | Sunday 7pm to 3am | (599) 717-3504
[diviflamingocasino.com](#) | ATM available

DIVI FLAMINGO CASINO

LIVE FM 99

Kompetensia di lesa Boi Antoin tabata un éksito

KRALENDIJK -- Djasabra 17 di yùni último, a tuma lugá e di 9 kompetensia di lesa di skolnan básiko ku Fundashon Lesa Ta Dushi ta organisá pa muchanan di 7 pa 12 aña. E kompetensia a tuma lugá den e sala espasioso di SPKB (Stichting Professionele Kinderopvang Bonaire). E banda hubenil Kara Kòrá, bou di guia di señor Albert Crestian, a toka i kanta himno di Boneiru.

Diputado, señora Yolinda Craane, no por tabata presente, pero a manda un grabashon ku bunita palabranan pa enkurashá e kandidatonan.

Diesocho kandidato repartí den shete skol básiko lokal, a partisipá na e kompetensia importante aki ku FLTD ta organisá, pa motivá e grupo akí tambe pa lesa. Tur kandidato tabata bon prepará dor di nan maestronan i mayornan.

Huradonan tabata Xiomara Frans, Katty Thielman, Elsmarie Beukenboom i Niyana Faneite ku tabatin e funshon di presidente di hurado. Maestro di evento tabata Fernon Koeiman.

E kompetensia tabatin tres parti, promé parti ta kategoria 7 pa 8, 9 pa 10 i 11 pa 12 aña. Durante pouso Tio Ali (Alvin Isenia) i Kara Kòrá a entretené tur presente ku bunita kantika.

E bukinan ku a usa durante e kompetensia tabata di outornan Katty Thielman i Xiomara Frans.

Resultado

Tabata Kolegio Rayo di Solo, representá pa Luciana Rivera Riascos, ku a bai ku e promé premio den kategoria di 7 pa 8 aña. Kolegio San Luis Betran, representá pa Neymar Janga, ta ganadó den kategoria di 9 pa 10 aña.

Den kategoria di 11 pa 12 aña tabata Janae Janga di Kolegio Rayo di Solo ku a bai ku e promé premio.

Por bisa ku e huradonan tabatin un tarea hopi difisil,

komo ku tur partisipante tabata bon prepará i esaki ta algu di aploudí i elogio sigur na tur e shete skolnan. Pues tur kandidatonan tabata hopi fuerte. Ku e eksperensia di último añanan, nos ta saka di dos i tres premio tambe.

Pa e kategoria di 7 pa 8 aña a sali na di dos lugá Xianeasha Oleana di Kolegio San Luis Betran i na di tres lugá Canela Mercera di Skol Amplio Papa Cornes. Pa loko ta trata kategoria 9 pa 10 aña a sali na di dos lugá Jedidjah Schaffers di Kolegio Kristu Bon Wardado i na di tres lugá Ma'khaeyla Leonicia di Kolegio Rayo di Solo.

Den kategoria di 11 pa 12 aña a sali na di dos lugá J'shua Davelaar di Kolegio Kristu Bon Wardado i na di tres lugá a sali Zaché St Hilaire di Kolegio San Luis Betran. Spònsernan Un imenso palabranan di gratitut ta bai pa Cargill Salt Bonaire ku, ya pa basta aña kaba ta e spònser prinsipal pa e kompetensia aki.

Gradisimentu

FLTD ta gradisí tambe direktiva di SPKB di kurason pa fasilítá nos e sala espasioso di iglesia Dios ta amor. Sin boso koperashon e kompetensia akí lo no por a tuma lugá. Tambe ta gradisí tur direk-

tiva di skolnan, maestronan i mayornan ku a bin apoyá e muchanan durante e presentashon.

FLTD ta finalisá: "Boso presensia tabata altamente apresia i di gran balor pa boso muchanan i nos fundashon. FLTD lo sigui ku

su lucha pa konsiéntisá tantu nos muchanan komo mayornan ku lesamentu ta hopi importante pa desaroyo di nos muchanan di Boneiru.

Nos lema ta: "Un mucha ku ta lesa, ta bira un adulto ku ta pensa!"



YOUR VISION.
KOOYMAN
PRECISION.

We know that when you're getting ready to build, construct, fix or beautify, it all starts with a vision.

And from the start of your vision all the way to completion, Kooyman is here to help our Caribbean makers and builders get the right tools, products and expertise, so every detail is done to perfection.

Start realizing your vision today at kooymanbv.com or your nearest store.

KOOYMAN
kooymanbv.com

MAL ENERGIA KOLOGÁ DEN AIRE

KRALENDIJK- “Tin un mal energia fuerte kologá riba Boneiru”, esaki klarividente Jan Arnold ta indiká. E ta atvertí komunidadat ku básikamente tin nubia di energia malu riba nos isla premirando algun situashon alarmante ku lo bai tuma lugá.

Jan Arnold a bin últimamente basta den publisidat pa su papel durante búskeda di personanan pèrdí. Famia ku keda atras sin kontesta a aserká e klarividente pa ku su yudansa. Hasta a yega asina leu ku Jan Arnold a boga pa traha huntu ofisialmente ku Kuerpo Polisial Hulanda Kari-

bense (KPCN) den kasonan di hende pèrdí òf kualke krímen difísil pa solushoná.

“Ta yama Boneiru isla di Spiritu, Boneiru ta e isla mas fuerte riba tereno di opservashon sobrenatural, vibrashon i energianan. E energia aki ta surgi na momentu ku algu sosedé. Esaki por ta vários kos”, e ta splika.

Desaparishon di algun siudadano den e último aña a lanta preguntanan serka basta hende. No tin un indikashon klaro pa ku pèrdida di algun hende pues ta hinka esaki den un bachi misterioso, ta atribuí kondishonnan sobrenatural pa ku

esaki.

Segun Jan Arnold riba nos isla tin basta spiritu ku ta dualdu, pues ku no a bai den e lus, mas ayá. Nan ta keda dualdu riba tera i tuma mas víktima. “Ántes a mata hopi hende pa medio di kastigu, pasombra nan a hasi algu ku komunidad no a aprobá. Hopi bia a maltratá nan i mata nan. Na e sitionan aki e spiritu ta keda dualdu, poniendo bida di hende den peliger.”

E ta agregá ku for di aña 1600 tin un energia fuerte ku a kuminsá pa motibu di bruheria i e pena di sklabitut. Esaki a pone ku a surgi un fèlt di energia

sumamente negativo riba Boneiru ku ta birando mas fuerte. E konsekuensia ta ku nos lo eksperensia mas situashon straño entre otro mas hende lo pèrdè riba nos isla.

“E Spiritunan aki ta sali i regla kuenta. Si pa koincidensia bo ta un hende vulnerabel ta hasi bo un bon proi pa e Spiritunan aki.”

E ta splika ku Boneiru ta serka di e Polo Magnético i esaki ta hasi e fèlt di energia mas fuerte. “Nada no ta kambia si nos no papia habrí tokante e situashon aki. Deliberá ku otro sin miedu kon pa remediá e kos aki. No ta chansa, ta un bèrdat

ku tur famia legítimo di Boneiru konosé. Si nos sigui ignorá esaki nos ta mira mas i mas fenómeno straño ta pasa.”

Remarkabel ta ku segun Jan Arnold Boneiru tin e magnetismo pa atraé hende pa por regla asuntunan spiritual. “No ta pòrnada un hende ta bin biba aki. Mi a topa esaki hopi bia den mi práktika.

Na Boneiru hende ta bin biba pa asina topa su mes, hopi hulandes oropeo ta bin kita nan bida aki. Dikon? Boneiru ta trankil i bunita, nada no ta pasa? Klaro ku si, ta pa motibu di e energia”, e ta suprayá.

KÒRSOU

Entamá pa èks trahadó:

Jachmin Pinedo a gana kaso

WILLEMSTAD— Jachmin Pinedo Productions representá pa abogado Gabrielle Merselina, a gana kaso ku un trahadó a entamá kontra e kompania. Ya pa algun tempu kaba riba ret sosial tabata sirkulá algun mensahe riba `Whasapp` unda tabata duna di konosé ku e

trahadó lo a hiba Jachmin Pinedo korte. Den un karta e trahadó ta splika ku e ta traha mas duru ku su dos otro koleganan i ku e doño di trabou ta na altura di esaki, pero no ta hasi nada. E trahadó a disidí di entamá un kaso den korte pa atendé e asuntu.

Pinedo despues den un

otro app a reakshoná i bisa; “Tin algun app ta bai ront ku un kantidat di insulto kontra mi persona. Mi sa ta kua trahadó i lo atendé kuné na su debido tempu. Ya tin keho entregá.” Hues Christiaan durante tratamentu di e kaso e indiká ku kisas ta bon pa partidonan sinta na mesa i yega na un akuerdo ku otro. Esaki, lòs di e suma di plaka ku e trahadó ta eksigí. Mas aleu hues analisando e kaso a bisa mas ku na su pareser trabou di reportero no ta pa e trahadó. Ámbos partido a bai di akuerdo ku hues su proposishon i a bai den deliberashon. Finalmente a bai di akuerdo pa terminá e relashon di trabou. Banda di esaki tambe a anulá tur eksigensia i montante eksigí.



TA BUSKA PERSONAL! Bendedó / Trahadó di mangasina

Pa hopi aña kaba Krioyo Paint BV ta speshalisá den fèrf i produktonan di fèrf na Boneiru. Banda di nos surtido amplio nos ta duna e kliente konseho spesífiko asina e por realisá su projekto na satisfakshon.

Nos ta buska un persona pa kuminsa mesora reforsá nos team!!

Nos ta pidi:

- * Bo ta flexibel.
- * Bo ta gusta traha.
- * Servisial, no tin problema ku stress tampòko mentalidat di 8 pa 5.

Bo funshon ta entre otro:

- * Konsehá i bende den nos pakus
- * Mix fèrf na kolor
- * Kontrolá i yena stòk

Bo ta traha den un team dinámiko i sosial. Nos ta ofrese bon salario i kondishon di labor ekselente.

Abo ta esun ku nos ta buska?
Manda bo CV awe mes na info@krioyopaint.com

Zr.Ms. Groningen i Wardakosta ta interseptá botonan go-fast

Ta konfiská kasi 2.000 kilo di droga

KRALENDIJK -- E barku di Marina Zr.Ms. Groningen i Wardakosta Karibe Hulandes djaweps i djabièrnè mardugá a interseptá dos transporte di droga i a konfiská kasi 2.000 kilo di droga. Zr.Ms. Groningen despues di detekshon di e boto sospechoso a lansa dos boto rápido di intersepsion di e barku patruyero, e asina yamá FRISC, pa interseptá e go-fast nan.

Unabes na un distansha serka, e FRISC huntu ku e tim di Wardakosta Karibe Hulandes, Skuadron di Infanteria di Flota (Fleet Marine Squadron) i e tripulashon di Zr.Ms. Groningen, a identifiká nan mes na e boto sospechoso, pa

medio di sende nan lusnan 'zwaailicht' blou. Despues di esaki e boto a purba hui ku un velosidat haltu i e tripulashon a kuminsá tira paketenan den laman.

Durante e pèsekushon a dispará tirunan di atvertensha, i finalmente un di e motornan di e go-fast mes ter a keda desaktivá pa medio di tirunan dirigí. E sinku sospechosonan na bordo di e go-fast finalmente a entregá nan mes.

E tim di e FRISC a saka e paketenan ku a keda tirá den laman. E siguiente mardugá a bolbe detektá un go-fast den laman Karibe. E biaha aki tabata trata di un go-fast ku shete persona na bordo.

Despues di e detekshon di e kontakto, e dos botonan rápido di intersepsion di e barku patruyero, esta e FRISC-nan, a keda lansa pa interseptá e go-fast. E 12 sospechosonan di e go-fastnan ku nashonalidat Venezolano, ademas di e kontrabanda a keda entregá na Kuerpo Polisial di Kòrsou.

Un total di kasi 2.000 kilo di droga a keda konfiská riba e dos go-fast nan. Zr.Ms. Groningen desde mei 2023 ta aktivo komo barku patruyero den region Karibe, i ta kombiná e operashonnan anti-droga ku sosten na Wardakosta Karibe Hulandes huntu ku dunamentu di asistensia humanitario.



Programanan di Bonaire.tv

TELBO kanal 70

Flamingo TV kanal 23

Djaluna 26 yùni 2023

12.00 Aktualidat:

13.00 Aki Boneiru:

14.00 Herensia Korsou:

15.00 BAPA:

16.00 Programa spesial:

20.00 Herensia:

21.00 Aki Boneiru:

23.00 BAPA:

Suzy Thodé

Tokamentu Islander

Carolus Antersijn

Hans Ziekenoppasser

Jan Felida

Lucina Cabrera

Luna Yen

Gilbert Isabella

Tur mèrdia 12'or ta kuminsá un programashon nobo di 4 ora. E programashon aki ta ripití pa 24:00.


Bonaire.tv
 Historia | Kultura | Naturalesa

Refleksion di Siman

MANERA BO TA PENSA ASINA BO TA

"Pasobra manera e ta pensa den su kurason, asina e ta."

Proverbionan 23:7a(BS)

Awendia tin algu ku ta afektando nos generashon moderno drástikamente. Ta nan salú mental. A hasi hopi estudio pa por komprende mente humano. Miéntas ku Señor Dios, Esun kende a krea mente ta siña nos masha hopi di e tema asina aktual akí. Señor ta e outor di bida i den Su buki e manual pa bida tin kontesta riba nos preguntanan.

Ta importante pa nos sa ku:

-Manera nos ta pensa, asina nos bida lo ta: "Pasobra manera e ta pensa den su kurason, asina e ta." Proverbionan 23:7a -Sa ku nos tin poder pa kontrolá nos mente: "I no sea konforme e mundu aki, ma sea transformá pa medio di e renobamentu di boso mente..." Romanonan 12:2a

-Fiha nos mente riba Señor i Su Palabra: "Pone boso mente riba e kosnan djariba, no riba e kosnan ku ta riba tera." Kolosensenan 3:2 -Nos por tin e mente di Kristu: "Ma nos tin e mente di Cristo." 1 Korintionan 2:16b

Ke men ku nos por pidi Hesus semper pa transformá nos pensamentunan. P'esei ta importante pa tene e porta duru será pa pensamentunan negativo. Pasobra satanas sa ku ora e tin kontrol di bo pensamentunan, e tin kontrol di bo emoshonnan, di bo aktitut i di bo akshonnan.

Pues:

1. Habri porta pa e Palabra di Dios. E ta nos arma potente kontra satanas.

2. Será porta pa tur pero tur pensamentu negativo.

3. Keda kòrda semper ku e desishon ta den bo mes man. Bo por tin un mente transformá pa Dios!

Miralda Paula-Frans

Produksion PGM



EDITORIAL

“Poder di skol no por perhudiká alumno”

Por mira i sinti kresementu di Boneiru. Kada luna ku pasa, nos pòblashon ta krese. Desaroyo den tur sektor ta evidente. BONERIANO ta medio di komunikashon di pueblo i komo tal nos orea i wowo ta kontinuamente den bario. P’esei nos sa ku e desaroyonan por ta un menasa pa hopi hende. No opstante e sentimentu aki nos mester rekonosé kambionan positivo. Poko poko pero sigur nos ta nota ku nos hendenan ta bira asertivo pa ku nan derechi. Ta kuestioná i ekspresá mas lihé ku ántes. Parse ku no tin masha opstákulo pa tene akshon riba tereno laboral. Ken no a sinti orguyo na momentu ku masalmente Boneiru a subi kaya pa eksigí mínimo sosial? Nos a sigui djaserka vários intento i lucha pa mehora situashon di dosentenan. Nos a aploudí ora a boga pa inklushon den komunidad enfatisando ku ta deber di kada siudadano pa protehá esnan mas vulnerabel. Bunita kousa, sinembargo parse ku e Boneiru ‘nobo’ aki strukturalmentu ta lubidá nos mes yunan, nos alumnonan. Sindikato ta sali i defendé un dosente den kaso di retiro inhustu, pero ken ta defendé nos alumnonan den un situashon desfavorabel? E kantidat di tarea di kas pues hùiswèrk ta muchu hopi espesialmente den skol primario. Mayornan ta indiká di dediká hopi tempu pa guia e yunan ku nan hùiswèrk, hopi bia ku poko resultado mirando ku nan mes no ta komprondé e kuríkulo aktual. Asta tin dosente ku desaprobá e kantidat di hùiswèrk duná, pero nan no tin e outoridat pa kambia esaki. BONERIANO na vários okashon a aserká skolnan i a publiká artíkulo tokante e situashon aki. Nos a hasié pa motibu ku mayornan a yega personalmente na nos ofisina, tambe kartanan i meilnan a subi nos mesa di redakshon. Mayornan a kuestioná e kantidat di tarea di kas ku un muchu ta haña. Sinembargo nunca komunidad a risibí un splikashon di parti di Direktiva di Skol, e balor agregá di hopi hùiswèrk. Nos no ta pretendé di ta eksperto riba e tereno di enseñansa, pero sí nos por komprondé lógika. Lamentablemente ainda nos no ta mira e

lógika den e struktura aki. Alumnonan di enseñansa primario mester dediká oranan na e tarea di kas. Hopi di nos muchanan ta bai un akohida pa mucha despues di skol. Segun palabrashon ku Best-4Kids akohidananan mester enfoká mas riba aktividat rekreativo pa e mucha, esaki ta enserá ku e akohida no ta dediká masha tempu na e tarea di kas. Ta resta dos senario, e mucha no ta dediká suficiente ora na e tarea òf e mucha ta bai despues di 5’or di atardi i e ora aki ta dediká su mes na e tarea. Den nos humilde opinion, ámbos senario no ta bon pa e mucha. Na unda e continuidad di skol pa akohida ta keda? Esaki sigur ta un situashon konfuso. E kos mas alarmante ta ku tin tur indikashon ku ta kada skol ta disidí su kuríkulo i kantidat di hùiswèrk. Tin un skol primario ku ta duna hùiswèrk den e último klasnan komo preparashon pa skol sekundario. Nan no ta kere i apliká e sistema di muchu hùiswèrk pa e mucha. Dikon e otro skolnan no ta hasi esaki? Kiko presis ta pone ku ta nesario pa alumnonan mester hasi asina tantu hùiswèrk? Mayornan lo ferwagt ku Ministerio di Enseñansa, Kultura i Siensia (OCW) lo bati alarma pa ku esaki, pero praktikamente por konsiderá nan komo ‘spek en bonen’. Direktivanan di skol tin tur di bisa i disidí riba e tereno aki, un poder inmenso. Unda OCW su poder ta? Naturalmente tin inspeksion 1 òf 2 bia pa aña, pero niun di e ekspertonan aki no kuestioná e kuríkulo i kantidat di tarea di kas? Skolnan no por duna su alumnonan ménos hùiswèrk pero kualitativamente mihó? No ta suponé ku un mucha ta desaroyá durante wega i rekreashon? Unda tin espasio pa esaki? Nos ta biba riba un Boneiru ku ta brasa diversidat, protehá e minoria kontra diskriminashon. Ku fervor partido polítiko ta boga asta pa bienestar di kachó. Kisas a yega ora pa boga pa bienestar di mente di nos muchanan?

Dynamite, kampeon invikto ta batisá unifòrm

KRALENDIJK- Ekipo di sòftbòl di damas Dynamite a batisá nan unifòrm nobo, materialnan nobo di ‘catcher’ i nan propio bandera.

Esaki a sosodé djasabra

na misa di Birgen di Coromoto na Antriol.

Mester mensioná ku Dynamite ta e kampeon invikto na Boneiru i e siman aki nan bai Sint Maarten pa partisipá na ‘Emancipation

Female International Invitational Tournament’.

Pader Alphonsus Baak, a drama bendishon riba e ekipo pa ku nan biahe pa Sint Maarten.



PENSAMENTU DI SIMAN

“Tin tesoro presioso i zeta den kas di e sabí, ma un hende bobo ta dispidí tur loke e tin.” (Proverbionan 21:20)

E proverbio di e siman aki ta papia tokante spar pa den futuro.

Na promé lugá...laga nos ta honesto si.....kredit ku bo ta haña fasil tin su peliger ku ne.

E ta pone hopi hende biba rant rant di bankarota.

Anto bo sa dikon?

Ta paso e deseo pa mantené loke nan tin i asta pa akumulá más ta pone ku nan ta keda pusha i pusha i gasta te e delaster sèn ku nan ta gana pa rèk nan kredit te na e limite. Esei no ta un estilo sabí.

Un hende sabí semper ta apartá sèn pa ora e tin menos sèn.

Ta masha importante ...E hende ku ta kere den Dios..... ta bon pa e saminá su stail di bida pa e wak si e manera ku e ta gasta su sèn ta un manera ku Dios lo aprobá.

Rumannan Un siman bendishoná pa boso tur. Awe otro proverbio ku nos por siña hopi di dje. Si bo ke komparti e mensahe ... sintibo liber.

Un felis siman pa tur i ku e bendishon di Dios keda ku boso.

Ta bai midi aire na fòrnu di kima shushi

KRALENDIJK - Di djaluna 26 di yùni pa djárason 28 di yùni Selibon NV lo laga midi aire na e fòrnu di kima shushi na Lagun. Na luna di mart Selibon

NV a laga hasi un investigashon pa ku e influensia ku kimamentu di shushi tin riba bisendario. Resultado di e promé investigashon tabata preokupante i meso-

ra Selibon a tuma akshon. A para e fòrnu di kima shushi inmediatamente, wardando riba un segundo investigashon.

Mientrastantu Selibon

N.V. a kontratá un kompania oropeo pa hasi e segundo investigashon.

E segundo investigashon ku lo bai tuma lugá ta e asina yama “emissiemetingen”. Esaki ta un investigashon kaminda lo bai analisá e aire ku ta sali for di e fòrnu di kima shushi. E investigashon aki lo tuma lugá di 26 pa 28 di yùni 2023 na Lèntfel na Lagun. E kompania Protea Ltd. ta esun enkargá pa hasi e investigashon aki.

Riba djaluna 26 di yùni 2023, algun funshonario di e direktorado di Supervishon i Mantenshon di Lei

tambe lo tei presente huntu ku algun empleado di Selibon N.V. pa asina supervisá e investigashon aki. Selibon N.V. ya a informá kaba e Asosashon Pro Lagun, ku ta representá algun di e habitantenan di Lagun.

Ta spera ku e resultatdonan lo ta kla den un periodo di 2 siman. Unabes ku e resultatdonan ta konosí, lo informá tur e partidonan enbolbí.

Di antemano Selibon N.V. ta pidi diskulpa pa kualke inkombiniensia ku e investigashon aki por trese kune pa habitantenan di Lagun.

Pikòp ta kai den roi



Djasabra alrededor di 10.30 mainta un pikòp a kai den e roi tras di Stadion di Playa. Probablemente e shofùr no a tene kuenta ku e roi pa motibu ku esaki praktikamente ta yen di yerba i mata. A yama kran pa saka e vehíkulo for di den e roi.

No ta bini derecho pa para desishon

KRALENDIJK – E konsehonan insular di Boneiru, Sint Eustatius i Saba, no tin e último palabra tokante leinan BES, pero Tweede i Eerste Kamer. Esaki ta bini dilanti for di reakshon di Sekretario di Estado, Alexandra van Huffelen, riba e moshon

den kua Konseho Insular di Boneiru ta indiká ku no por implementá e WolBES i FinBES renobá, sin su outorisashon. “Tweede Kamer ta stipulá leinan kaminda no tin ròl formal pa e konsehonan insular,” segun e sekretario di estado. Pero segun e mandatario,

e ta spera ku e konsehonan insular hasi uso di e konsultashon di Internet pa duna nan komentario riba e diseñonan di lei. Banda di esei, van Huffelen ta dispuesto pa drenta kombersashon di e konsehonan insular. Esun di Boneiru a laga sa ku e ta dispuesto.

Riba posibel resultado investigashon Komishon Thodé

Gabinete no ta para ketu

KRALENDIJK – Gabinete ta pensa ku Komishon Thodé ku ta hasiendo e investigashon riba implementashon di un mínimo sosial pa Karibe Hulandes, lo konsehá pa oumentá e entradanan mas aleu, òf baha e kostonan mas aleu.

Den e porta habrí akí Sekretario di Estado, Alexandra van Huffelen, ta drenta den su reakshon

riba un moshon di miembronan di Tweede Kamer Wuite di D66 i Ceder di CU, tokante e falta ainda semper di un mínimo sosial riba e islanan.

“Gabinete ta mira dilanti riba e konseho di e komishon. Gabinete entretantu no ta sinta ketu i ta pensa tokante e diferente posibel resultatdonan di e investigashon, van Huffelen ta skirbi.

Hopi interes pa proyekto digital

KRALENDIJK -- Manera ta konosí, Fundashon Kuchara a ranka sali ku e proyekto digital kaminda muchanan di 8 te ku 12 ta haña lès di kòmputer meskos ta e kaso ku e grupo di 60+. Un palabra e fundashon tin pa e proyekto akí, eksitoso.

E interes ta enorme di parti di e dos gruponan akí. E partisipashon aktivo ta pèrkurá i eksigí pa

e proyekto sigui ekspandé ku e dos otro gruponan di enfoke ku ta hóbennan i adultonan ku lo kuminsá ku e proyekto balioso akí na ougùstùs.

Prinsipalmente den e grupo 60+, esaki a bira un nesesidat. Fundashon Kuchara tin e dos gruponan di mucha i 60+ partí riba dos lokalidat, pa fasilidat e grandinan pa yega ku ménos molèster na e lèsnan.

Materialnan ku Fundashon Kuchara a kumpra pa regla e lokalidatnan di duna lès, a tuma e mayor parti di e fondo risibí serka Samenwerkende Fondsen/Oranje Fonds. E fundashon ta apresia nan gesto.

Loke e fundashon ta konstatá segun e proyekto ta avansá, ku e laptopnan a resultá di no ta sufisiente pa tur e dos gruponan hasi uso optimal di nan. Mester kar-

ga hiba esakinan bai bin na e dos lokalidatnan. I mientrastantu e grandinan tin gana di disponé di un propio laptop pa trein na kas. Lamentablemente esaki no ta posibel na e momentunan akí.

Esaki ta e motibu ku Fundashon Kuchara ke hasi un yamada na komunidad i komèrsio Boneriano, pa duna e grandinan un man mirando nan interes i entusiasmo pa sigui e desaroyo digital ku tiki tiki mundialmente ta bin okupá un lugá importante.

Portada di korant Extra djaweps 22 di yùni ta musta un bon gesto di Sandals, ku donashon di kòmputer pa muchanan di ‘Grow Picture Media Production’.

Fundashon Kuchara su deseo ta pa mira ku Boneiru tambe lo sigui e ehèmpel akí pa kontribuí na un desaroyo sano i benefisioso pa mayoria di nos grandinan, ku a duna aporte na nos komunidad i ku tambe ta interesá pa dominá abilidadnan digital pa motibu ku nan ke sigui e desaroyonan nobo ku lo benefisiá nan pa por regla nan propio asuntunan.

E fundashon un biá mas ta hasi un apelasion na empresanan, instansianan i individualnan, pa hasi un diferensia den forma di un gesto na nos grandinan.

Por sigui desaroyo di e proyekto digital riba e website: www.fundashonkuchara.org



DEN PASONAN DI BÒI

E rúbrika aki no ta kos di tur dia den BONERIANO. Ta ora mi tin tempu, gana i tópiko pa skirbi ariba e ta sali. E tres elementonan aki ta hunga un ròl den sali-mentu di e rúbrika aki. E ta mas tantu un kos pa tene mi okupá, pa no lubidá e arte di skirbimentu. Tene tambe e dedenan fleksibel. Tene e tinu bei, purba pa no kai den ripitishon.

Basta moveshon den wikènt. Mi a purba kumpli ku tur, loke no tur biá ta fásil. Un di e kompromisonan tabata mi asistensia na entiero

ayera di Jan Felida, un persona na kende mi ta eternamente gradisidu pa tur loke mi a siña serka dje. Hopi kos mes m'a siña di e hòmber aki,

spesialmente riba tere- no di naturalesa. Famia a pidi mi pa papia algu ayera tardi den Misa At-ventista i mi a kumpli ku nan petishon, anke no

ta algu fásil pa hasi na momentunan doloroso asina.

A bini dilanti den un dje diskursonan na misa ayera tardi e konose-mentu ámplo di Beibel serka Jan. Un versíkulo di Beibel ku Janchi sa usa hopi ta den Prover- bionan 17:28: "Asta un bobo ta pasa pa sabí ora ku e keda ketu; ora ku e sera su boka, e ta pasa

pa un hende prudente."



Mi amigu Jay Haviser tabata na Boneiru e dianan ku a pasa. Nos a topa i mi a entreg'é e buki ku Cees Luck- hart ku mi a skirbi. Na Mangazina di Rei m'a presentá e buki djasa- bra atardi durante 'Nos Zjilea'. Te ainda e buki ta bon risibí.



MONCHI & TONCHI

Mi kier sa mi a haña voka- shon pa bira pader kató- liko.

Awèl sí. Dal bai. Pero mura- yanan di misa lo skùr i dak lo basha'bou.



KOLOFÓN

Editor: Bonaire Communication Services N.V.
Kaya Irlanda 12,
Tel. 717-8482

Redakshon: extrabon@gmail.com
avisobon@gmail.com
Wèpsait: www.extraboneiru.com
Facebook: Extra Boneiru

Direktor
Shirley Martis
785-3824
796-3824

Partner na Aruba
Awe Mainta
Partner na Kòrsou
Extra
Partner na Boneiru
Live99

Redakshon
Papi Antoin
Nathaly
Evertsz-Ipcedencia
Velli Gijsbertha
Edson Pietersz
Ibi Piar (deporte)

Layout
Maya Beaumont

Konsehero:
Bò Antoin
786-6818
Aviso
avisobon@gmail.com

Pride ta pa konsientisá hende

Éksito total promé aktividat Pride

KRALENDIJK—E aktividat di Pride a bira un éksito rotundo, esta e fiesta djasabra 24 di yüni, promé ku e dia final di e siman di selebrashon. E aktividat tabata na Happy's i a kontu ku un kantidat enorme di

hende.

Judith Brekermans, presidente di organisashon Pride Boneiru, a bisa: “Un siman kòrtiku i ya e dianan a pasa. A inisiá e siman di fiesta ku konferensia di apertura i despues diferente

enkuentro mas. Pride a haña spònsor serka RCN, durante un aktividat ku tabatin e siman ey na Plaza Hotel.”

Segun Brekermans, a invitá diferente hende, entre nan gezaghèber Nolly Oleana i polítikonan. A papia di historia, pasado te ku awor, durante e aktividat di apertura.

Brekermans: “Hopi hende a duna atenshon na e organisashon di Pride. Nos a haña hopi spònsor, loke nos no a spera. Pride ta pa konsientisá hende i tur parti di mundu, ta organisá aktividat. Aktividat, pasobra nan meta ta pa uni e hende i esei ta mas importante i kaminada tin fiesta, hende ta uni.”

“Nos ke mustra ku nos ta habrí pa tur hende, pa-



sobra tur opinion ta kontu. Derecho humano ta importante i semper respèt ta na promé lugá. Esei ta e filosofia di Pride.”

Fundashon EQ a lanta na 2015 i nos a traha hopi aña tras di kortina.”

“Semper nos t’ei i e slogan ta “Nos t’ei bo t’ei”. Nos ta parti di komunidad.

Nos ta bai sigui durante aña i tur fin di luna tin ambiente i otro aña ta e di 2 Pride den 2024.”

Esnan ku ta deseá por tuma kontakto ku hendenan di Pride pa medio di nan facebook page.

Portrètanan ta di e fiesta di djasabra anochi.





MEGA
TILE
SALE
WEEKEND*
June 30th - July 2nd, 2023

75% OFF

50% OFF

25% OFF

KOORYMAN

Disclaimer: discount valid on full boxes of selected tiles only. All purchased items require immediate payment and collection. Paid delivery service is available on Friday and Saturday only.

Selebrashon San Juan

Djabièrnè manisé djasabra 24 di yùni, áwaseru a pèrkurá pa no selebrá fiesta San Juan ku bulamentu di kandela den Rincon. Si tabatin diferente grupo aktivo tokando na diferente sitio di Rincon djabièrnè anochi. Subida di Nort'i Saliña si tabata senario di bulamentu di kandela segun e tradishon di San Juan. Bonerianonan un bia mas a demonstrá di ta biba su kultura.





Rijksdienst Caribisch Nederland

Vakatura Gezaghèber pa Entidat Públiko Boneiru

E funshon di Gezaghèber pa Entidat Públiko Boneiru ta vakante. A habri e vakatura riba 26 di yùni 2023. Si bo ta deseá di bini na remarke pa e funshon aki, bo ta kordialmente invitá pa ekspresá esaki por eskrito promé ku 24 di yùli 2023. Por haña mas informashon tokante e vakatura i e teksto di anunsio riba : www.rijksdienstcn.com/vakatura

12| Dikon mester tarda

E pregunta ta surgi, dikon mester warda te na momentu ku trese situashonnan indeseá den publisidat pa aktua.

Ta trata akí di e sobrá di palu riba Malekon ku BONERIANO a publiká e siman akí.

Su siguiente dia mes a kita e palu ku tabata un mahos bista riba Malekon.

E banki sí te ainda, dikon no a drech'é mesora, dikon un biá mas mester warda.



Dia di seguridat

KRALENDIJK — Djasabra 24 di yùni mainta a tuma lugá un dia di seguridat. E aktividat a tuma lugá na JongBonaire, Brantwer, Polis, Ambulans, Web, Ennia i Supervishon i Mantenishon di Lei tabata presente e mainta.

A duna diferente presentashon, situashon ku ta


presentá i esnan konserní mester aktua.

Tabatin vários stènt di informashon pa loke ta trata seguridat. Diputado Hennyson Thielman tabata presente i a papia na inisio di e aktividat. El a konta un eksperensia ku e mes a pasa na su kas i ku seguridat ta hopi importante. “Seguri-

dat ta importante pa mucha i adulto. Mi ta gradisí esnan ku ta partisipá na e aktividat.

Un aktividat manera esaki, ta sumamente importante pa komunidad. Hasi bon uzo si dje.” Despues tabatin e oportunitat pa pasa na e diferente gruponan presente.





Rijksdienst Caribisch Nederland

**Vakatura
Gezaghèber pa
Entidat Públiko Sint Eustatius**

E funshon di Gezaghèber pa Entidat Públiko Sint Eustatius ta vakante. A habri e vakatura riba 26 di yùni 2023. Si bo ta deseá di bini na remarke pa e funshon aki, bo ta kordialmente invitá pa ekspresá esaki por eskrito promé ku 24 di yùli 2023. Por haña mas informashon tokante e vakatura i e teksto di anunsio riba:

www.rijksdienstcn.com/vakatura

Tres hoben den Corte pa mata homber di 31 aña

ORANJESTAD -- A programa henter mainta awe pa tratamento di un caso di homicidio cometi riba 4 di december aña pasa. Ta trata di tres hoben kendenan ta involvi directamente of indirectamente den morto di Anthony Cary, alias Juni Maton. Seis luna despues di e sucedido e caso ta cla pa tratamiento y esaki ta tuma luga diabierna mainta 8.30. E victima den e caso aki tabata Anthony Cary di

31 aña. E dos personanan cu mester bay responde pa e crimen aki ta Aaron John Jairo Rodriguez, kende tin mr. Zara como Abogado, y Kion Kerwin Audriana Alcantara Sena, representa pa mr. D.L. Emerencia. Banda di nan tin un mucha homber di 15 aña. Tin un miembro di famia di e victima kende lo ta presente cu su abogado mr. Vito Carlo, probablemente pa haci un demanda. Segun a compronde, e

dia di e sucedido a kap Juni Maton cu un machete y despues a los dos tiro riba dje pa disparce den scuridad. A capta hopi cos riba camara di siguridad. P'eseypor a detene e prome sospechoso hopi lihe.

Loke no ta conoci ainda si tur e tres acusadonan tabata presente na momento cu a tira Juni mata. Tur e informacionnan aki lo bini dilanti durante tratamiento profundo di e caso. Esey ta-

bata e di dos asesinato den un siman di tempo, despues di esun cu a tuma luga dia 30 di november na Tanki Leendert.

E caso di Juni Maton ta uno cu a cuminsa den un club nocturno y a finalisa riba estacionamento entre Ex-Sand Bar y South Beach Centre. Tabata den pleno marduga, alrededor di 1:25am, memey di zonido duro entre Baru Lounge (ex-Sand Bar) na un banda

y South Beach Centre na e otro banda, cu diripiente a scucha varios zonido di tiro for di un arma di candela. Y mesora a nota un homber benta na suela, memey di e caminda cu ta separa e un banda for di e otro, na e centro di entretenimento y "night life" di nos isla. Esaki a trece un caos grandi den pleno area turistico di Aruba, cu un cantidad di luz blauw y hendenan coriendo den tur direccion.

Pustamento si MEP of RAIZ lo entrega retiro di Gabinete Wever-Croes II

ORANJESTAD -- Janchi Tromp den feliz memoria, a yega di uza un expresion den weganan di futbol, cu a bira masha popular den pueblo na momento c'un wega decisivo tin cu ser hunga: "Un pa tera y otro pa lama." Ta esaki tin cu bisa despues cu Minister Ursell Arends a dicidi di entremete su mes den minister di Prome Minister Evelyn Wever-Croes, relaciona cu construccion di

un beach dor di Embassy Suites.

Den un forma cu por wordo cataloga como ridiculo y purbando di muestra cu su persona tin poder, Minister Arends cu ayudo si su abogado, a dicidi di informa inversionistanan, cu e trabou tin cu para ya cu e nan no tin tur permiso pa ehecuta e proyecto aki.

Ta bisto cu probablemente e minister nobato aki no a tuma contacto cu

su Prome Minister, kende ta responsabel pa e minister di infraestructura y di DOW, actuando di un forma irresponsabel mientras cu DOW tambe ta na e sitio supervisando e trabou di e compania encarga cu esaki.

Awor ta bon pa bisa aki, cu e parti di beach aki, tin decadanan largo cu practicamente e no ta wordo uza pa motibo di hopi piedra cu tin na e sitio y e hecho cu Embassy Suites ta drechan-

do e area poniendo santo blanco, dunando e parti aki un apariencia mucho mas bunita y agradabel, caminda tanto turista- como lokaalnan por haci uzo di e beach aki.

E actuacion di Minister Arends, a bolbe confirma cu den e gabinete aki, no tin seriedad y henter e maneho cu ta ser hiba, ta sin pia ni cabes, hincando nan mes den berguensa grandi pa decisionnan cu ni mucha

chikito lo tuma.

Ta e situacionnan aki ta bolbe duna e impresion cu tanto partido MEP como RAIZ, lo ta buscando un "excusus" pa manda e gobierno aki cas prome cu Hulanda bin y tuma over tur cos, pa e ora expone cosnan cu no tin transparencia ariba.

Pa colmo loke ta muestra riba un conflicto di interes formal ta e hecho cu ayera a bira conoci cu Lalo Croes, ruman y consehero di Minister Glenbert Croes, ta actuando den nomber di e inversionista mientras cu e ministerio cu ta bay bou di Prome Minister Evelyn Wever-Croes, ta su prima y contra di e dos coriente nan Croes aki, Minister Ursell Arends a dicidi di hinca su mes.

En realidad e propio mandatarionan di e actual coalicion ta mustrando pueblo cu e gobierno aki lo no dura mucho mas na poder y cu solamente ta buscando e miho forma pa baha e coalicion aki cu realmente no tin solucion pa e pais aki.



STATIA/SABA/ST. MAARTEN

A nenga petishon di ayudo di Statia

Den Haag no a tuma veredikto na serio

ORANJESTAD (EUX) – Gobièrnu di Reino no a tuma e veredikto di e situashon peligroso na e klep na Lower Twon na Statia, na serio. Tambe Gabinete a pone un petishon pa ayudo di Gobièrnu di isla un banda. Esaki a sali na for di un deklarashon ku Sekretario di Estado, Alexandra van Huffelen, e siman akí a manda pa Tweede Kamer.

Den Haag a sali for di e punto di bista ku e por a kita for di e multa imponé via di un apelashon. Tur e kondishonnan ku e entidat públiko riba instigashon di e ministerio di asuntunan interior i relashon di Reino a proponé, bou di kua kita e multa, sinembargo a keda barí for di mesa dor di e hues di apelashon. Te na e momentu ei numa a resultá

ku van Huffelen ya pa tres luna tabata dispuesto pa honra e petishon ku tabata riba su búró pa sosten finansiero na Statia.

Dor di e pèrdida di tempu, un grep di urgensia tabata nesesario, pasa Tweede Kamer dor di hasi un apelashon riba e lei di kontabilidad, pa evitá daño finansiero grandi pa laga e multa sigui subi. E último



parse a pisa mas pa e gabinete ku e rísiko riba aksidente dor di barankanan ku ta lòs.

Konsulta hudisial di kuater pais

Ainda no tin akuerdo tokante eliminashon desbalanse

PHILIPSBURG – E konsulta hudisial di kuater pais di kada mei aña, JVO, no a kondusí na un akuerdo tokante e eliminashon di e desbalanse den e kadena di aplikashon di lei den e parti Karibense di Reino. Kaminda Hulanda e último añanan a pone presupuesto fuerte, Kòrsou, Aruba i Sint Maarten, no ta adelantando.

Minister pa protekshon di derecho, Franc Weer-

wind, kende ta remplasá su kolega Zegerius, a papia tokante e kuestion ku e ministernan di hustisia di Aruba, Kòrsou i Sint Maarten.

“E paisnan dentro di Reino ta traha intensivo huntu pa bringa kriminalidat. Pa Gabinete Hulandes, esaki ta un koperashon krusial pa aplikashon di lei. Hulanda e último añanan a invertí hopi den e koperashon ku e paisnan dentro di Reino

riba e tereno di krusamentu di frontera i kriminalidat di labamentu di plaka. Pa esaki Hulanda ta sostené e paisnan den detekshon, persiguishon i huisio,” segun e ministerio. Ta kontinuá ku e kombersashon tokante eliminashon di e desbalanse e tempunan ku ta bini. Durante e JVO diferente tema a bini na òrdu riba e tereno di aplikashon di lei. Asina a papia riba

kua manera por duna yementu na kuido forensiko pa hóben i adulto den e parti Karibense di Reino. Minister Weerwind lo tuma konfiansa huntu ku e minister di hustisia di Kòrsou, Shalten Hato. Tambe a papia tokante e esfuersonan di

tur e partidonan enbolbí pa eduká mas Fiskal di Hustisia pa e ministerionan públiko den e área Karibense pa asina habitantenan di e paisnan Karibense ta mihó representá den e ministerionan públiko den e área Karibense.



Minister Weerwind na Saba

THE BOTTOM – Minister di protekshon legal, Franc Weerwind, djáron 21 di yùni a bishitá Saba pa un bishita di trabou di un dia.

E minister i su delegashon a yega djáron mainta na Juancho Yrausquin Airport, kaminda Gezaghebber Jonathan

Johnson a risibí nan.

Despues a sigui un enkuentro ku Gezaghebber i Sekretario Insular Interino, Henk de Jong.

Den oranan di mèrdia, e minister tabatin un enkuentro ku e partisipantenan di Safety Network Saba i a papia tokante e trabou ku nan ta hasi den e área di vio-

lensia doméstiko i abuso di mucha i e plannan pa prevenshon hubenil.

Promé di bai aeropuerto pa su buelo di regreso pa Sint Maarten, Minister Weerwind a bishitá Harry L. Johnson Museum na Windwardside, kaminda Glenn Holm i Jennifer Johnson, a duna e delegashon un tour.

Minister Weerland a bishitá Statia

ORANJESTAD (EUX) – Minister pa protekshon legal, Franc Weerwind, a yega Statia djaweps atardi pa un bishita kòrtiku di trabou. Komisario di Gobièrnu, Alida Francis, a topa ku e minister i su delegashon na FDR Airport.

Durante su bishita, e minister a topa ku miembronan di Kolegio Eheku-

tivo.

Tambe el a bishitá Bethel Methodist School, kaminda el a hasi donashon di instrumento pa e programa di prevenshon di krimen, e ‘leerorkest’.

Minister Weerwind a papia tambe ku Kuerpo Polisial Karibe Hulandes i a djòin un patruya kòrtiku promé ku el a bandoná e isla djabièrnè.



Lagando klòk bati oranan largu

Hòmber ta subi toren di Misa

MEERSSEN – Un laga klòk bati pa dos ora hòmber di 33 aña djaweps anochi a subi e toren di e basílika na Meerssen i a

laga klòk bati pa dos ora largu. A dura oranan promé ku Polis ku ayudo di un empresa, por a baha e hòmber.

E basílika debí na restorashon tin stèngel den su banda. Probablemente e hòmber a subi e toren di

e misa via di e stèngelnan banda di mei anochi, ILimburg ta informá.

E pastor di e basílika pa medio di zonido di e klòknan, a nota ku algu no ta kuadra. “Direpente banda di dies pa diesdos mi a tende e klòknan na un manera iregular kuminsá bati. E momentu ei mi a pensa, mi mester bai kontrolá,” Pastor Theo van Galen, a konta e media regional.

Huntu ku e kòster, e pastor a bai tuma nota kiko ta pasando. Hopi lihé nan a deskubrí ku nan no tabatin kontrol riba e wega di klòk.

“Momentu ku mi tabata den sakristia i trata na

manehá e klòk, mi por a ripará ku mi no por a kam bia nada di loke ta sosodiendo,” E pastor ta konta.

Hendenan den un café enfrente di e misa, por a konta e pastor i kòster algun minüt despues ku tin un persona den e toren. “E momentu ei nos a haña sa ku e klòknan no tabata manehá dor di mekanismo, pero dor di hende,” e pastor ta akklará. Gewon un hende tabata pusha e klòknan.

A involukrá Polis tambe ku a pidi e hòmber pa keda sinta trankil. Un bes el a bin kla ku su wega, e ke a baha, sigur na momentu ku a atrap’é.


Tokante komportashon indeseá di personal

Gerente Prizòn Nieuwersluis ta hasi denuncia

NIEUWERSLUIS – Gerente di e prizòn di muhé na Nieuwersluis, a hasi denuncia di posibel komportashon indeseá dor di personal. Indikashon pa esaki ta un rapòrt resien di Inspekshon di Hustisia i Seguridat, den kua detenidonan a deklará ku trahadónan ta hasi nan mes kulpabel na komportashon seksual indeseá.

Dienst Justitiële Inrichtingen (DJI) ta informá ku e gerente di e prizòn a hasi denuncia debí na e seriedat di posibel komportashon indeseá i pasobra no a investigá e kehonan mas aleu dor di e inspekshon. Direktor Francesca Salamone ta bisa ku e mester ta di abou te ariba.

“Un klima di biba no solamente ta krusial pa nos

detenidonan, pero tambe pa e trahadónan ku mester ehersé nan tarea manera mester ta,” Salamone ta bisa. E rekomendashonnan ku e inspekshon a hasi luna pasá den e rapòrt, ta keda tuma pa e gerente. Un di esakinan ta pa rekrutá mas trahadó femenino.

Den e prizòn PI Nieuwersluis den e provinsia Utrecht, tin eksplísitamente



hende muhé será.

Aña pasá a sali na kla ku ta sospechá un wardadó di prezu di 47 aña kende a hasi mal uso di tres detenido.

Seguidamente mas de-

tenido i èks detenido a indiká ku nan tambe tabata víktima di komportashon indeseá dentro di e muryanan di e prizòn.

Skolnan ta stòp di hür forsa laboral

BRABANT – Tur skol sekundario di Noord-Brabant ta stòp di inmediato di hür forsa laboral temporal. Segun gerente di e skolnan, hopi biá ofisinnan di em-

pleo ta ofresé forsa di remplaso ku nan ta kita for di e skolnan mes na preis mas atraktivo. Esaki ta kosta hopi mas plaka.

Skolnan normalmente papiá ta buska forsa di remplaso pa remplasá dosente momentu di por ehèmpel fakansi di embaraso, òf malesa. Na Brabant ta trata di hopi shen trahadó temporal.

Segun Martin van den Berg di Christiaan Huygens


College na Eindhoven, pa medio di kampaña di propaganda, pero tambe na skolnan, ta pidi sí dosentenan ke bai pa un ofisina di empleo.

Van den Berg, kende ta papia na nòmber di direktivanan di skol di Brabant, ta haña ku ofisinnan di empleo ta hunga un ròl riba e falta di dosente dor di buska dosente di e merkado i seguidamente bolbe hür nan na e skolnan kontra preis

haltu. Dor di esei e skolnan ta pèrdè 60 porshento mas plaka. Esaki no por ku plaka destiná pa enseñansa.

E skolnan ke solushoná e falta di dosente dor di pone dosentenan ku penshun. Studentenan tambe ku ta kasi kla ku nan edukashon, por para dilanti klas bou di sierto kondishon.

Banda di esei, e skolnan ta pidi su trahadónan sí nan ke traha temporal.



KÒRSOU

Kòrsou a pèrdè un gran persona

Mireije `Jeije` Adelina a bai sosegá

WILLEMSTAD — Den fin di siman a drenta e tristis notisia ku Mireille `Jeije` Adelina a bai sosegá. Mireille tabata aktivo den mundu di komedia pa hopi aña. El a forma parti den obranan manera Bo lenga ta skèrpi unda e tabatin ròl di Delia. Banda di esaki e tabata konosí pa ta un persona alegre i tabata hopi aktivo riba su kuantanan di

ret sosial. E tabata ilustrá di forma kómiko senarionan di entre otro e trahadó ku no tabata anda di mihó forma ku kliente, pero tambe imitá vidionan chistoso ku su toke úniko. Apesar di tabata biba pa hopi aña na Hulanda, ku regularidat e tabata bishita Kòrsou i partisipá den entre otro transmishon di tumba i forma parti di marcha di seú. Re-



sientemente e tabata na Bo- neiuru unda ku amiganan el a selebrá Dia di Rincon.



Entre otro Curoil, KTK i sindikatonan

Min.Pres a reuní ku vários entidat

WILLEMSTAD – Promé Minister sr. Gilmar Pisas a reuní ku gerensianan di RdK, Curoil, KTK, Sindikatonan UGKK “CAD-MU” i PWFC dia 20 di yùni. Motibu di e reunion ta debí na e posishon ku Promé Minister sr. Pisas tin

komo esun ku ta enkargá ku RdK. Durante di e reunion a trata e funshonamentu aktual di Bullenbaai i e efekto grandi ku esaki por tin riba e situashon di KtK.

Tambe a papia riba e relashon di trabou entre RdK i Curoil kaminda e

empresanan di Gobièrnu tin un akuerdo kaminda ku Curoil por sostené RdK den búskeda di kliente riba merkado internashonal.

Durante e enkuentro tur esnan ku presente por a trese nan punto di bista i sugerensianan dilanti.



Entrante 1 di yùli

No por generá prueba bakunashon digital

WILLEMSTAD – Entrante di 1 di yùli 2023 lo no ta posibel mas pa generá un komprobante digital di bakunashon di COVID-19. Asina gobièrnu di Kòrsou a anunsiá resientemente.

Mayoria pais na mundu

no ta pidi un komprobante di bakuna komo eksigensia di entrada mas. Hulanda i Reino den e kaso aki a skohe pa traspasá e plataforma di generá kódigo QR pa World Health Organization (WHO). E tiki paisnan

ku si ta eksigí komprobante ainda, ta aseptá e buki di bakuna imprentá.

Durante pandemia di COVID-19, diferente pais a haña nan mes obligá na sera nan frontera buskando un solushon pa limitá

transmishon di COVID-19. Segun paisnan tabata bakuná habitantenan, a krea e posibilidat tambe pa habri frontera i pa biaha ku un ‘Digital Covid Certificate’ (DCC) ku ta sirbi komo komprobante di bakuna kontra COVID-19.

E plataforma digital tabata fasilidat kòntrol sin kontakto i protekshon di informashon personal di e persona. E plataforma ta generá un kódigo digital. E sistema digital a hasi posibel ku na tur parti di mundu por a skèn e kódigo i verifiká si un persona ta kumpli

ku e rekisitonan di bakunashon pa por drenta e pais.

Den kaso di Kòrsou, mirando e urgensia ku tabatin i kostonan mará na e sistema, a hasi uso di e plataforma ku Hulanda a brinda na e paisnan den Reino. Komo tal a bin ta usa e plataforma te ku 30 di yùni awor. Entrante 1 di yùli 2023, Hulanda i Reino lo no hasi uso mas di e plataforma. Mayoria paisnan na mundu a eliminá e obligashon di un komprobante di COVID-19 despues ku WHO a baha e vírus for di lista di menasa mundial.

Detenshon pa intento di asesinato

WILLEMSTAD--Relashoná ku un kaso di intento di asesinato ku a tuma lugá dia 16 di yùni den área di Baraltwijk, Tim di Atrako a realisá un detenshon.

Djaweps 22 di yùni alrederdor di 05.05’or, tim di

aresto huntu ku tim di atrako a bai na un kas na Jacob Binckestraat i einan a hasi detenshon di e hòMBER sospechoso A.S.D. di 30 aña di edat nasé na Kòrsou.

Despues di su detenshon, a kontinuá ku un en-

trada hudisial na su kas i a konfiská artíkulonnan ku ta importante pa e investigashon. A presentá e sospechoso dilanti di un fiskal ouksiliar ku a ordená su enkarselamentu pendiente pa mas investigashon.

Detenshon pa atrako

WILLEMSTAD --Djasabra 24 di yùni personal di Imigrashon na aeropuerto a realisá un detenshon. Alrededor di 20.15’or, a detené e hòMBER Y.R.S. di 19 aña di edat nasé na Kòrsou. Esaki a sosodé a na momentu ku el a trata na sali for di Kòrsou.

Tabatin un òrdu di búskeda i detenshon relashoná ku atrako pa e hòMBER. Unidat di polis a tuma e sospechoso over i a hib’é warda di reshèrshi, na unda a present’é dilanti di un fiskal ouksiliar ku a ordená su enkarselamentu pendiente di mas investigashon.

Komishon sentral a reuní riba e.o penshun

WILLEMSTAD --Djabièrnè 23 di yùni miembronan di Parlamento a bin huntu den un Komishon Sentral pa deliberá tokante e Ordenansa Nashonal pa kambio di e Ordenansa Nashonal enkuanto kompetensia i e Ordenansa Nashonal di

penshun. Tabatin algun pregunta i remarke kualnan lo bai den un relato pa despues Gobièrnu kontestá den un nota. Despues di risibí e nota di kontesta di Gobièrnu lo por trata e konsepto di Lei den Reunion Públiko di Parlamento.

DEPORTE

Boneiru ku dos oro mas den bolas

KRALENDIJK--Boneiru a logra mas premio den e kompetensianan di Special Olympics aya na Berlin, den e kaso aki 2 medaya di oro mas, loke Boneiru

ta hopi orguyoso di dje. Ku esaki Boneiru a logra na tur 3 oro 1 plata. Ta trata di e hóbennan Su-endry Weef i Revelino Engelhardt ku a logra oro den e kompe-

tensianan di Bolas Dòbel. Tambe por a komprondé ku e hóbennan Gendrick Mercera den kompetensianan di landamentu 25 meter freestyle, a sali number 1

ta logra medaya di oro. Boneiru prepará pa yegada di regreso di e delegashon, pa nos ban risibí e delegashon ku nos atletanan spesial na nan yegada di regreso na

kas bèk ku nan premionan. Pabien na e hóbennan spesial aki ku a representá nos isla, na e delegashon kompleto, pabien Boneiru ku e logro aki.

Torneo sòftbòl a sigui djasabra último

KRALENDIJK--Djasabra último tabatin kontinuashon di e torneo di sòftbòl Si Nos Ke Nos Por di The Dreamers, esaki na Julio Angela Ballpark na Amboina ku diferente partido den fase final di e torneo.

Aki resultado di e parti-

donan djasaba último.

Crusher Honys a gana New Angels 6-5 den tremendo partido.

Picher ganador di e partido aki ta Theodora Saragoza i picher pèrdèdó ta Josephia.

Na bate Ideline Sarago-

za a bai di 1-1.

Lideska Alee tambe a bai di 1-1.

Brendaluz Reyes tambe di 1-1.

Arvienna Vis tambe a bai di 1-1 den e partido.

Den un otro partido e ekipo di Mariadal a gana

Web ku skor di 11-8.

Picher ganador di e partido ta Jemuel Melaan.

Picher pèrdèdó ta Marnix La Croes.

Na bate Nathanael Melaan a bai di 3-3 ku 2 homerun.

Rignaldo Marin jr di 2-1 ku 1 homerun.

Rowensly Klaber di 5-3.

Braulio Martinez tambe a bai di 5-2 ku 1 homerun.

Richendel Morillo di 5-1 ku 1 homerun.

Vurgel Hersilia di 2-2 ku 1 homerun.

Eduart Elisa di 5-2.

Romeo Thomas tambe a bai di 5-2 den e partido.

Den un partido djasabra último, The Crusher a gana Predators den tremendo partido ku skor pèrtá di 3-2.

Picher ganadó di e par-

tido ta Marnick Boekhoudt.

Picher pèrdèdó di e partido ta Ariel Zabala.

Pa loke ta bateo Jurmuel Cicilia a bai di 2-2.

Eliomar Frans tambe a bai di 2-2.

Juan Lantigua tambe a bai di 2-2.

Marnick Boekhoudt tambe di 2-2.

Bryan Angela a bai di 2-1.

Estiwardt Fortuna tambe a bai di 2-1 den e partido.

Esakinan resultadonan di partidonan di e torneo djasabra último,

torneo ku a finalisá tambe fin di siman pasá.

Den otro edishonnan ku ta sigui e siman aki nos lo amplia riba e resultado final di e torneo asina ku nos risibí esakinan.

FC Champs 5-0 riba Deportivo

KRALENDIJK--E tim di futbòl FC Champs, un tim bastante aktivo por sièrto den futbòl veterano, djasabra último den oranan di atardi na Fèlt Elion Flores na Amboina, a gana di Deportivo ku skor di 5-0 den partido di futbòl veterano 50+.

FC Champs a dominá e partido por kompleto, loke ta reflehá tambe den e re-

sultado final di e partido.

Outornan di e golnan di e partido ta Jason Pourier ku a hinka 3 gol, Dutley Domacassé 1 gol i Gunter Seraus ku a hinka un pinalti.

Djasabra awó FC Champs tin un kompromiso na Fèlt Elio Flores 5'or atardi, pero ta pendiente di La Fama 50+ ku tin ku konfirmá esaki ainda.

Asina ku nos tin konfirmashon di esaki nos lo amplia.

Un kos si ta sigur, si e partido aki ta sigui manera planiá, e partido aki lo bira sigur un tremendo partido ku abo fanátiko di futbòl veterano no por pèrdè djasabra awó.

Éksito na e ekiponan den e partido.

Resultado sòftbòl djabièrnè último

KRALENDIJK--Djabièrnè último 23 di yùni 2023, tabatin kontinuashon di e torneo di sòftbòl Si Nos Ke Nos Por, esaki den su fase final di e torneo.

Pa loke ta e resultadonan

di e partidonan djabièrnè último e promé partido i promé resultado ku nos a risibí di e dia ei, tabata Dynamite ku a gana di Rincon Diamonds ku skor pèrtá di 5-4.

Picher ganador di e partido aki ta Adina Helms.

Picher pèrdèdó di e partido aki ta Mercedes Janga.

Na bate Libiana Frans a bai di 1-1.

Aquina Lopez di 2-1.

Michenou Marselia tambe a bai di 2-1.

Mariruth Cicilia a bai di 1-1.

Junisma Janga tambe a bai di 1-1.

Mercedes Janga a bai di 2-1.

Rose Engelhardt di di 2-1.

Pa loke tabata e siguien-te partido, Ur Solution a gana Mariadal ku skor di 6-4.

Picher ganador di e partido aki ta Fitzgerald Mar-

tina.

Picher pèrdèdó ta Nathanael Melaan.

Na bati Mike Wawoe a bai di 3-2.

Ruviano Josephia di 2-1 ku 1 homerun.

Evandre Chirino di 1-1.

Rowensley Klaber a bai di 3-3.

Ruel Albertoe di 2-2.

Nathanael Melaan di 3-2 ku 1 homerun.

Onno Mets tame a bai di 3-2.

Rignaldo Marin Jr di 2-1.

Otor partido pa e dia aki tabata entre e ekiponan La Sonrisa I Rd Sox, partido ku La Sonrisa a gana ku skor di 16-11.

Picher ganador di e partido aki ta Cassius Rosario

ku relevo di Kumar Piar.

Na bate Denjerick Virginie a bai di 3-3.

Jonathan De Windt di 2-2 ku 1 homerun.

Kumar Piar di 2-2.

Rusensley Ster di 2-2.

Lujairo Gomez di 3-2.

Rogelio Cicilia di 3-2.

Dedrick Koffy, Giardino Thomas i Christopher Hersilia di kua kada unu a bai di 2-1. Ruigino Alexander di 2-2.

Javier Semeleer do 2-2.

Richelino Saragoza 3-2 ku 1 homerun.

Jose Carlo St. Jago di 3-1 ku 1 homerun.

Ruviano Josephia, Chalten Kelller, Obriel Martinez i Marshal Statie di 2-1 den e partido.

Popularidat ta relativo
P'esei un propio estilo
No solamente pa ta eksitoso
Sino sigur mas balioso

BròKèS 93.5 FM
pokopoko pero sigur mas i mas hende ta ...
Skuch'è

Telefon/ WhatsApp +599 701 0935
www.radio935bonaire.com

Caribbean Services General B.V.

solicita los servicios de

- 1 especialista en marmol

Pa informashon yama: **717-9900**

email: **mmms847@hotmail.com**

DEPORTE

Skol di futbòl di PSV



Entrante 19 di yùni i promé di yùli, e skol di futbòl di PSV ta na Boneiru. Entretantu tabatin kuater treinen na Rincon durante kua a resultá ku Boneiru tin hopi talento. E siman akí tabatin otro treinen na entre otro Rudy Boezem, ATC i Elion Flores.





Rijksdienst Caribisch Nederland
RCN-Unit Sociale Zaken en Werkgelegenheid

Bo ta risibí AOV? Mèldu bo na SZW Hulanda Karibense

RCN-unidat Asuntunan Sosial i Empleo Karibe Hulandes aktualmente ta aktualisando e failnan di kliente di AOV.

Bo ta biba na Boneiru i bo ta risibí AOV? Gustosamente nos ta pidi tur persona ku ta risibí AOV pa bishitá ofisina di SZW den luna di yùli pa mustra un prueba di bida. Bo por pasa serka nos durante oranan di ofisina for di djaluna 3 te ku djabièrnè 28 di yùli. Bo mester únikamente trese bo karchi di identifikashon (sédula).

Ofisina di SZW ta habrí di djaluna te ku djabièrnè, for di 8 or di mainta pa 12 or di mèrdia. Bo por traha un sita durante oranan despues di mèrdia.

Mas informashon?
Bishitá nos wèpsait www.rijksdienstcn.com òf yama nos via number di telefòn **+(599) 715 8888**



Grupo Brièchi a sirbi grandinan

KRALENDIJK -- Grupo Brièchi ta un tim di persona, ku a traha durante un aktividat grandi organisá na e priesel Profesor Alejandro Saleh, fin di siman pasá. Ta

trata di e miembronan di '60 Plus Flor di Orkidia' ku nan a sirbi. Nan tabatin e tarea pa sirbi tur hende durante e anochi di aktividat. Hendenan a gusta nan

manera di atendé ku nan i ta deseá pa sigui mira nan. E grupo ta enkabesá pa Delno Tromp. Riba potrèt karanan kontentu di Grupo Brièchi, ku a sirbi e adulto mayónan.



VADA Construction B.V.
ta buska
- 2 aluminium-technicus
- 2 metselaar
-mester tin 2 aña eksperensia
Mas inf. tel. nr. **785-2354**

The most complete payroll and HR software in the Caribbean!

Payroll Pro
HRM

Download the mobile app!
Google Play App Store

www.payrollprohrm.com

tandprothetische praktijk
BONAIRE
tandprothetische praktijk

AKI TA TRAHA I DRECHA PLANCHA PA DJIENTE. BO TA WARDA MIENTRAS NAN TA DRECHE, SERVISIO RAPIDO.

djaluna pa djaweps: 9'or mainta pa 12'or merdia, 2'or te 4'or di atardi.
djabieme: 9'or mainta pa 12'or merdia, atardi ta SERA.

E.M. Rijswijk
Por yama pa un sita na tel. 717-2248 òf selular 796-3714
Kaya Dr. J.G. Hernandez s/n (banda di Botica Korona)

Pool Table Set
\$1,295

Coutertop Electric Grill
\$54

8-Bottle Wine Cooler
\$289

CityShop
Smart shopping ▶ Better living

Best DAD EVER.

30 ANIVERSARIO

14" Lenovo Laptop
i3 Processor
4 GB RAM
Windows 10
SPECIAL PRICE \$639

Bluetooth Speaker
\$99

Crash Foam Pillow
\$225